

Evening Dogri News Bulletin, 30 October 2024

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

इंफैंटरी डिविजन दे जीओसी मेजर जनरल समीर श्रीवास्तव होरें आखेआ ऐ जे जम्मू खिते कन्नै लगदे बन्ने आहले इलाकें थवां 50 थवां बद्द आतंकवादी घुसपैठ करने दी फिराक च न।

अखनूर अभियान दौरान मारे गेदे आतंकवादिएं दे कब्जे थवां हथियार असलाह ते युद्ध लेखा समेयान बरामद कीता गेआ।

जम्मू खिते च बदार्दी हिंसक घटनाएं दे मददेनजर ऐतिहासिक मुगल शिड़क पर सुरक्षा बंदोबस्त निग्गर बनाए गे न।

भारतीय रेलवे नै त्यौहारें आहले मोसम दे चलदे जम्मू थवां 2 विशेष रेल गड्डियां चलाने दा फैसला कीता ऐ।

<><><><><><>

Infiltration-Border

जम्मू क्षेत्र च घुसपैठ करने ताईं सरहद पार लांचिंग पैड पर 50 शा बद्द आतंकवादी मौजूद होने दी शेंका ऐ। सेना दे इक्क आला अफसर नै जोर देइये आखेआ जे फौज इस चुनौती दा मकाबला करने ताईं समर्थ ऐ ते ओह घुसपैठ दी कुसै बी कोश्ट गी नाकाम करी देग। जम्मू दे अखनूर सैक्टर च त्रै आतंकवादियें गी कामयाबी कन्नै मारी मकाने परेंत पत्रकारें कन्नै गल्ल करदे होई 10 इंफैंट्री डिविजन दे जनरल आफिसर कमांडिंग, मेजर जनरल समीर श्रीवास्त होरें आखेआ जे

सेना आतंकवादिये गी कुसै बी नागरिके गी नुकसान पुज्जाने दी खुल्ली छूट नेई देग। उनें दससेआ जे घुसपैठ करने दा तरीका हर गुजरदे साल दे कन्नै बदलदा ऐ टकोहदा करिये बर्फबारी दौरान। 28 इन्फैन्ट्री ब्रिगेड दे कमांडर ब्रिगेडियर कपिल तनेजा ते जम्मू-कठुआ-साम्बा रेंज दे डीआईजी पुलिस शिव कुमार शर्मा होरें उंदी मौजूदगी च मेजर जनरल श्रीवास्तव होरें आखेआ जे घुसपैठ ते आतंवादी कारवाइये कन्नै निब्बड़ने च चुनौतियां बराबर गै बनी दियां न।

<><><><><><>

Weapon-Recovery JK

जम्मू च अखनूर सैक्टर दे बट्टल इलाके च सुरक्षा बलें टाकरे दौरान कथियारें दा जखीरा बरामद कीता। कल चलाए गेदे अभियान च बलें भारी हथियारें कन्नै लैस 3 आतंकवादिये गी मारी मकाया हा। स्हाढ़े संवाददाता नै खबर दिती ऐ जे संगारै रम्भ होए दे टाकरे च बड़ी मती गोलीबारी परेंत आतंकिये दा सफाया करी दिता गेआ। उंदे कब्जे शा इक्क एम-4 कार्बान, ए.के-47 रफल, नेकां कारतूस, हत्थगोले ते जंग च इस्तेमाल होने आहले समेयान सने सुरक्षा बलें सौर पैनल, सैटेलाइट फोन, फौजी वर्दी, चार्जर डिविजनल घड़िये सने बक्ख-बक्ख उपकरणे गी बरामद कीता। दोआइये, सुक्के मेवे ते लम्में चिरै तगर चलने आहले आपरेशन लेई लोड़चदिये दुइये चीजे दा भंडार बी सुरक्षा बलें गी थहोआ ऐ जेदे कन्नै पता लगदा ऐ जे ओह इलाके च चिरै तगर मौजूद रौहने दी तैयारी करा रदे हे। बरामद हथियार कुदरा लेयांदे गै घुसपैठ पिच्छे केड़ा गिरोह कम्म करा'रदा हा, इंदा पता लाने लेई जांच चला'रदी ऐ।

<><><><><><>

Mughal-Road Security

जम्मू-कश्मीर च हमले ते मुठभेड़ दी घटनाएं च बाददा, खास करिए अखनूर च पेश आई दी घटना गी दिखदे होई सुरक्षा बलें ऐतिहासिक मुगल रोड ते कन्ने लगदे इलाके च निगरानी बदाई दिती ऐ। आकाशवाणी जम्मू संवाददाता नै दस्सेआ जे मुगल रोड खितें गी जोड़ने आहली शिड़क ऐ,

जेहड़ी कश्मीर घाटी गी जम्मू दे राजौरी-पुंछ कन्नै जोड़दी ऐ। सुरक्षा बलें मुगल रोड ते एहदे कन्नै लगदियें दुए रस्तें पर बी मोटर गड़्डियें दे सब्बने नाकें गी मजबूत करदे होई चौकसी बदाई दिती ऐ।

<><><><><><>

Army-Phantom

जम्मू दे अखनूर सैक्टर च सेना ते आतंकवादिएं बश्कार होए दे टाकरे च सेना दा इक खोजी कुत्ता Phantom बी मारेआ गेआ हा। सेना आसेआ औहदे पार्थिव शरीर पर पुष्पांजलि भेंट कीती गई। 4 बरें दे Belgian कुत्ते Phantom नै आतंकवादिएं दा पता लाने च महत्वै आहली भूमिका अदा कीती। बलें गी आतंकवादिएं दे हमले थमां बचांदे होई उसी गोलियां लग्गियां। औहदे पार्थिव शरीर गी तिरंगे च लपेटेआ गेदा हा। इस सरबंध्यै च इक कार्यक्रम उधमपुर च आयोजित कीता गेआ। व्हाईट नाइट कोर नै सोशल मीडिया पोस्ट च लिखेआ जे औहदे सर्वोच्च बलिदान गी कर्दें बी भुलाया नेई जाग।

<><><><><><>

Terrorist-Attack

सुरक्षा बलें कल दक्खन कश्मीर दे पुलवामा जिले च आतंकवादियें दे इक्क सहयोगी गी गिरफ्तार करियें औहदे कब्जे शा 10 हत्थगोले बरामद कीते। पुलवामा शहरै च इक्क आतंकवादी हमला होने बारै थहोई दी सूह दी बिनाह पर सुरक्षा बलें कल संझा लै पुलवामा दे सर्कुलर रोड पर सांझा नाका लाया। नाके च पुलवामा एसओजी, 55 राश्ट्रीय राइफल्स ते सी.आर.पी.एफ दी 182 बटालियन दे जवान तैनात हे। पुलस प्रवक्ता मूजब जांच दौरान डांगरपोरा पुलवामा दे बसनीक दानिश बशीर पुत्र बशीर अहमद, जेड़ा अपनी स्कूटी पर जा'रदा हा, औदी नाके पर तपाशी लैती गई जिस दौरान

औहदे कोला 10 हत्थगोले ते 5 बैटरियें गी बरामद कीता गेआ। मामलें दी जांच जारी ऐ ते इस सरबंधे च होर बी गिरफ्तारियां होने दी संभावना ऐ।

<><><><><><>

JK PSC-Lect. Posts

जम्मू-कश्मीर दे बेरोजगार पढ़े लिखे दे नौजोआनें गी रोजगार दे मौके उपलब्ध करोआने दी ओमर अब्दुल्ला हुंदी नुमायंदगी आहली सरकार दी बचनबद्धता दे मताबक गै सेहत, मेडिकल शिक्षा, समाज कल्याण ते शिक्षा मंत्री सकीना इत्तू होरें स्कूली शिक्षा च सिद्धे कोटे तैहत 24 स्ट्रीमें च 10+2 लेक्चरर दे 575 खाली औहदे पर भर्ती ताईं प्रस्ताव गी मंजूरी देई दिती ऐ। केई बरें थमां खाली इनें औहदें गी हायर सैकेंडरी स्कूलें लेईं लेक्चररें दी लोड़ गी तत्काल पूरा करने आस्तै फास्ट ट्रेक पर भर्ती गितै जम्मू-कश्मीर लोक सेवा आयोग जेकेपीएससी गी रैफर कीते गेन। सकीना इत्तू होरें आखेआ जे सहाड़ी सरकार जनता टकोहदा करियै पढ़े लिखे दे नौजोआनें कन्नै कीते गेदे बादें गी पूरा करने लेईं बचनबद्ध ऐ। उनें गलाया जे सहाड़ी सरकार बनने दे 15 दिनें दे अंदर असं नौजोआनें दियें लम्में चिरै सोआ बकाया मंगें गी पूरा करने दा फैसला लैता ऐ। उनें गलाया जे इनें औहदें ताईं भर्ती प्रक्रिया तौलें गै रम्भ होग ते भर्ती करने आहली एजेंसी गी समें बद्ध तरीकें कन्नै प्रक्रिया गी पूरा करने दा कम्म सौंपेआ गेआ ऐ।

<><><><><><>

Railway-Special Train

भारतीय रेलवे देयाली ते छठ पूजा दे त्यौहारें दौरान यात्रुएं दी सहूलतें आस्तै पिछले बरे दे मकाबले 2500 बाद्द रेल गइडियां चला करदा ऐ। हाल च गै रेल मंत्री अश्विनी वैशणव होरें घोषणा कीती ही जे पिछले बरै चलाई गेदियें 4500 रेलें दे मकाबले इस साल टकोहदी रेल गइडियें गी गिनतरी बदाइयै 7000 करी दिती ऐ। श्री वैष्णव होरें आखेआ जे इनें विशेष ट्रेनें कन्नै हर

ध्याड़े तकरीबन 2 लकख बाद्दू लोक यात्रा करी सकदे न। त्यौहारें दौरान यात्रुएं दी मती गिनतरी कन्नै असरदार ढंगै नै निब्बड़ने आस्तै रेलवे नै नेकां गैँड पुट्टियां न। आकाशवाणी संवाददाता नै खबर दिती ऐ जे मुख स्टेशनं पर बाद्दू टिकट काउंटर खेड़े गेन तां जे यात्रुएं गी कोई परेशानी नई होवै।

<><><><><><>

Spl. Train Jammu

त्यौहारें दे मौसम गी दिखदे होई भारतीय रेलवे नै यात्रुएं दी स्थूलत ते मंग गी दिखदे होई विशेष रेल गड्डियां चलाने दी घोषणा कीती ऐ। आकाशवाणी जम्मू संवाददाता दी रिपोर्ट मूजब जम्मू तवि Howrah रेल जम्मू तवि थमां Hawrah तगर चलोग। एह जम्मू थवां 8 बज्जिये 20 मिंटे पर चलोग ते 2 दिन मगरा इक बज्जिये 20 मिंटे पर Hawrah पुज्जोग। एह रेल मुख स्टेशनं जियां पठानकोट कैंट, जलंधर कैंट, चंडीगढ़, अम्बाला कैंट, सहारनपुर, लखनऊ, वाराणसी, गया, धन्नवाद ते होर थाहरें पर रूकोग। दुई खास फेस्टीवल रेल कामाख्या श्री माता वैष्णो कटड़ा रेल 31 अक्तूबर ते 5 नवंबर गी 6 बजे चलोग। एह रेल जम्मू तवि, पठानकोट कैंट, चंडीगढ़, गौरखपुर, मुजफ्फरपुर ते होरनें थाहरें पर रूकोग। इनें खास रेल गड्डिएं दा मकसद त्यौहार दौरान यात्रिएं दी सहूलत ते रमानदारी कन्नै यात्रा करना यकीनी बनाना ऐ।

<><><><><><>

JK PSC-Result

जम्मू-कश्मीर लोक सेवा आयोग CCE-2023 नै संयुक्त प्रतियोगी इम्तेहान .. दा नताजा घोषित करी दिता ऐ। स्हाड़े संवाददाता नै खबर दिती ऐ जे चुने गेदे मेदवारें गी मेडिकल जांच आस्तै सद्देआ गेआ ऐ। JKPSC आसेआ जारी कीती गेदी सूचि मताबक संजीव कुमार नै 1089 नंबरें

कन्नै पैहली थाह हासल कीती ऐ जिल्ले के 1078 अंके कन्नै इकरा फारूक दुई ते वसुधा शर्मा नै 1075 नंबरें कन्नै त्री थाहर हासल कीती।

<><><><><><>

PM-Ekta Divas

प्रधानमंत्री नरेंद्र मोदी होर अज्ज संझा एकता नगर च बुनियादी स्हूलतें कन्नै जुड़ी दियें बक्ख-बक्ख विकास परियोजनाएं दा उद्घाटन ते नीह पत्थर रक्खडन। श्री मोदी होर आरम्भ 99में सांझे बुनियादी कोर्स दे 6में चरण च सिखलाई हासल करने आहले अफसरें गी बी संबोधित करंगन। अज्ज रम्भ कीते जाने आहिलियें परियोजना दा मकसद इलाके च सैलसफे दियें स्हूलतें च सुधार करना ऐ। प्रधानमंत्री होर बोनसाई गार्डन, सीवरेज ट्रीटमेंट प्लांट सरदार सरोवर डैम एक्सपीरियेंस केंद्र, उपजिला अस्पताल ते स्मार्ट बस स्टाफ सने नमियां परियोजनां दा उद्घाटन करने आहले न।

<><><><><><>

Nadda-Oath Unity

केंद्री सेहत मंत्री जगत प्रकाश नड्डा होरें अज्ज विश्व एकता दिवस दी पूर्व संझा पर नमीं दिल्ली च एकता दी सगंधस दोआई। सेहत राज्य मंत्री प्रताप राव जाधव, सेहत सचिव पुण्य सलिला श्रीवास्तव ते होर आला अफसरें सगंध लैती। विश्व एकता दिवस हर बरै 31 अक्टूबर गी सरदार वल्लभ भाई पटेल हुंदी जयंती मौके मनाया जंदा ऐ। इस कार्यक्रम दा मकसद सरदार पटेल हुंदी विरासत दा सम्मान करना ऐ। इस मौके अपने संबोधन च श्री नड्डा होरें आखेआ जे एक भारत श्रेष्ठ भारत दी बुनियाद सरदार वल्लभ भाई पटेल हारें रक्खी ही। श्री नड्डा होरें गलाया जे एह यकीनी बनाना स्हाढ़ी जिम्मेदारी ऐ जे स्हाढ़े कम्म ते नीतियां विविधता दी भावना गी दस्सने आहिलियां होनियां लोड़चदियां न जेड़ियां भारत गी बेजोड़ बनांदियां न।



JSCL-JMC

जम्मू स्मार्ट सिटी लिमिटेड दे मुख् कार्जकारी अधिकारी ते जम्मू म्युनिसिपल कारपोरेशन दे आयुक्त डॉ. देवांश यादव होंरें जम्मू च ई-बस आहले रस्तें दा जायजा लैने लेई व्यापक दौरा लाया। इसदा मकसद यात्रिएं गी म्यारी सेवा उपलब्ध करोआना ते उंदी प्रतिक्रिया हासिल करना ऐ। डॉ. यादव होंरें अमले गी हिदायत कीती जे ओह यात्रुएं दी यात्रा गी सुविधाजनक बनान। उनें ई-बस चालकें गी रस्तें दा पालन करने, समें दी पाबंदी, यकीनी करने, बस स्टाप पर रूकने ते तय रस्तें दा पालन करने लेई जोर पाया।

